

Obuka i obrazovanje za borbu protiv korupcije

Predstavnici sudskih institucija i organa za provodjenje zakona iz BiH su u periodu od 24. do 29. juna 2000. godine bili u studijskoj posjeti Uredu za slucajeve teske prevare i drugim vodecim organima za provodjenje zakona i sudskim institucijama u Velikoj Britaniji. Ova studijska posjeta je organizirana u cilju usavršavanja BiH zvanicnika, koje ce im omoguciti efikasniji rad u borbi protiv prevare u bankama i pranja novca – ozbiljnih krivicnih djela koja su usko povezana sa korupcijom i organiziranim kriminalom. U toku ove studijske posjete osnovne teme su bile razmijena policijskih i sudskih informacija u slucajevima prevare i pranja novca, kao i uloga razlicitih sudskih organa, organa za provodjenje zakona i finansijskih institucija u sprecavanju pranja novca i finansijske prevare.

Privredni kriminal, ciji su sastavni dijelovi korupcija, prevara i pranje novca, predstavlja ogromnu prepreku ekonomskoj reformi i demokratskim procesima u Bosni i Hercegovini. Privredni kriminal koji ima sve globalnije razmjere znaci da BiH mora djelovati u cilju vece regionalne saradnje, uskladjivanja domacih zakona sa evropskim i medjunarodnim pravnim instrumentima i u cilju institucionalne reforme, kako bi bila u mogucnosti da zastiti svoje gradjane. Samo dobro obucene i obrazovane institucije za provodjenje zakona i nezavisno sudstvo mogu biti uspjesne u borbi protiv ovog kriminala, njegovom otkrivanju i kaznjavanju, i konfiskaciji nezakonito stecenog profita.

Pored ove studijske posjete Londonu, Anti-korupcijska jedinica iz Ureda Visokog predstavnika je omogucila ucestvovanje predstavnika organa za provodjenje zakona i sudskih institucija iz oba entiteta u Programu Octopus II Vijeca

Evrope koji je uspostavljen kako bi promovirao tekuće i nove projekte za borbu protiv korupcije u istočnoj i jugoistočnoj Evropi. Rezultat ovih seminara je niz preporuka o načinima na koje se efikasnije može boriti protiv korupcije, pranja novca i organiziranog kriminala. Predstavnici BiH su između ostalog preporučili da organi vlasti poduzmu hitne mjere u sljedeće dvije oblasti:

Zakonodavstvo: Bosna i Hercegovina treba potpisati Evropsku konvenciju o pranju novca, traganju za prihodima stečenim putem kriminalnih radnji, i njihovom oduzimanju i konfiskaciji, i na taj način prihvatiti međunarodne standarde u borbi protiv teškog privrednog kriminala. Pranje novca mora biti potpuno kriminalizirano, a Konvencije o korupciji iz domena građanskog i krivičnog zakonodavstva, koje su potpisane u martu, moraju odmah biti ratificirane.

Institucije: Organi vlasti moraju pružiti svoju snaznu podršku među-institucionalnim radnim grupama (Task Forces), čiji su članovi i predstavnici organa za provođenje zakona i tužioci, u cilju efikasnije borbe protiv privrednog kriminala i korupcije. Konacno, sve prepreke koje onemogućavaju među-entitetsku i međunarodnu razmjenu informacija između organa za provođenje zakona i sudstva moraju odmah biti uklonjene kako bi se omogućila efikasnija borba protiv kriminala i korupcije i njihovo sprečavanje.

Ovakve pozitivne mjere organa vlasti u BiH bi bile naznaka da Bosna i Hercegovina ozbiljno shvata borbu protiv korupcije.

Ovo su najnovije aktivnosti koje je Anti-korupcijska jedinica iz OHR-a omogućila i organizirala u tijesnoj saradnji sa drugim međunarodnim organizacijama. OHR će i dalje pružati svoju pomoć organima za provođenje zakona i sudstvu kao i svim drugim aktivnostima i obavezama koje su istinski usmjerene na borbu protiv korupcije, a koje bi mogle proizaći iz nedavnih programa entitetskih Vlada za borbu protiv korupcije.